



Negaraku Jati Diriku

Pemahaman Petikan (Kertas 1)

Bahagian A

Baca pantun di bawah dengan teliti dan jawab soalan-soalan berikutnya.

PANTUN KIASAN

...
 Buah bacang masak serangkai,
 Burung dekut meniti batang;
 Saya dagang tidak terpakai,
 Macam melukut di tepi gantang.
 ...
 Tebang gelam tebang kenanga,
 Batangnya tumbang menimpa gedung;
 Kumbang mengidam nak seri bunga,
 Bunga kembang di puncak gunung.
 ...
 Rotan siput rotan berlingkar,
 Anak itik patah kakinya;
 Hujan ribut gunung terbakar,
 Embun setitik padam apinya.

Raut bilah pembatang taut,
 Kail berada dalam raga;
 Tidak sudah seluang melaut,
 Akhirnya balik ke tepi juga.
 ...
 Bunga geti bergulai temenung,
 Di hari raya memakan tapai;
 Hajat hati nak peluk gunung,
 Apakah daya tangan tak sampai.
 ...
 Laksana gadis Menteri Bogor,
 Bijak membilang ayam betina;
 Nyawa menangis di pintu kubur,
 Hendak pulang ke dalam dunia.
 ...

(Dipetik daripada antologi *Baik Budi, Indah Bahasa*,
 Tingkatan 2, Kementerian Pendidikan Malaysia)

Hajat hati nak peluk gunung,
 Apakah daya tangan tak sampai.

- 1 Apakah yang ingin disampaikan dalam dua baris maksud di atas?
 A Pendirian manusia sering berubah-ubah
 B Mengharapkan sesuatu yang belum pasti
 C Setiap perkara yang berlaku tentu ada sebabnya
 D Menginginkan sesuatu yang besar tetapi tidak mempunyai keupayaan
- 2 Berikut merupakan nilai yang terdapat dalam pantun di atas, **kecuali**
 A kesopanan. C kesyukuran.
 B kesabaran. D keinsafan.

Embun setitik padam apinya

- 3 Apakah gaya bahasa yang terdapat dalam baris pantun di atas?

- | | |
|-------------|-----------------|
| A Sinkope | C Peribahasa |
| B Hiperbola | D Personifikasi |

- 4 Apakah tema bagi pantun di atas?
 A Sikap manusia yang bersyukur ke atas anugerah yang dikurniakan oleh Allah
 B Masyarakat yang memandang tinggi terhadap golongan yang berbudi bahasa
 C Nasihat sebagai panduan hidup kepada masyarakat agar sentiasa melakukan kebaikan
 D Sindiran terhadap segelintir anggota masyarakat yang mengamalkan sikap negatif sehingga boleh menjejaskan kehidupan diri sendiri dan orang lain
- 5 Nada yang digunakan dalam pantun ini ialah
 A sinis.
 B patriotik.
 C romantik.
 D melankolik.